

Nachtrag.¹

327^a. Bündniss der Städte Erfurt, Mühlhausen und Nordhausen mit Halberstadt, Quedlinburg und Aschersleben auf vier Jahre.
1433. März 15.

Wier ratismeister unde raitmanne unde die gancze gemeyne der stete Erffurt Molhuesen unde Northuesen bekennen uffintlichin an desern 5
uffin briefe vor alle den dy on sehen horin ader lesen, das dij ersamen
wiesen manne ratismeister unde raitmanne der stede Halbirstait Quede-
lingeburg unde Aschersleben unde wier gote, deme heiligen Romischen
riche zu eren unde zu bistendikeit unszer stete unszer meteburger in
deme rechten uns mit wolbedachtem mute und mit ganczem frihen 10
willin vortragen unde voreynet haben von unszer vorgeantent stede
wegen von desern geinwortigen tage an wen zu sent Jacoufs tage
nehstkomende vort uber vier jare ane mittel vort folgende und vor-
tragen unde voreynen uns so selbist in craft deses briefes, als hier
nach geschriben stet. (*Der Inhalt gleichlautend mit Nr. 293, S. 256.*) 15
Alle dese vorgeschr. stugke entsampt unde bisundern globin wier ratis-
meister rete unde dij ganczen gemeyne der stete Erffurt Molhuesen
und Northusen vor uns und alle unszer nachkomelinge in guten truwen
stete veste und unvorbruchlichin zu haldene ane alle argelist, unde des
zu bekentenisse haben wier unszer stete Erffurte Molhuesen und Nort- 20
huesen grosze insegele an desen brief laszin hengen, der gegeben ist
nach Cristi unszers hern gebort vierzehnhundert jar darnach in deme
dry unde drissigsten jare am sontage Oculi in der heiligen vasten.

Original mit 3 Siegeln im Haupt-Staats-Archiv zu Dresden No. 6257.

1) Die nachfolgenden vier Urkunden sind durch Versehen an eine falsche Stelle des Manuscripts gerathen und dadurch nicht unmittelbar nach Nr. 327 abgedruckt worden.